

重刊歸德府志

殿志 254

72522

150.14)

134.1

部=1-10

重刊歸德府志

葉興餘慶署



序

宋地歸德軍肇得名于後唐至  
金源乃稱府其領一州八邑則  
自明嘉靖年間始也歸德府之  
有志也明李嵩叙之

序

國朝宋國榮增脩之洎今又將百  
年知府陳名重加增輯聘名士  
與商榷發凡起例準諸史裁煌  
然成完書夫志本採訪載之枋  
非具三長不足以網羅遺軼甄  
定幽潛彰筆鈔之謹嚴配史箴  
之巨麗舊志頗具典型今博採

城撫藻澗之前輩稱康對山志  
武叨迥殊凡格茲殆庶焉其尤  
後大體者特筆志水利較舊志  
列河渠于古蹟爲獨得其要夫  
茲民所資生在畝澮蓄洩歸德  
屬邑潁河者多受汎溢之害隄

序

防疏濬使不爲害則其利已溥  
標幹河十二道縷晰支流如指諸  
掌黃河也經府城三十里外迤邐  
北達於徐明霍韜請開引河行  
徐沛二州之患勢必盡壑歸注  
潁河之邑用揭爲炯戒其他利

弊備著於篇前撫碩公鄂公具  
有擘畫粵西陳公繪圖具疏入  
告特詳炳承之其後條列善後  
事宜

制曰可勳帑興脩胥慶安濶昨准徐  
衝溢

序

三

天子宵旰焦思注念河務無所不至  
與辦南省物料何體

皇仁不敢絲毫累民尅期賄集良為  
輓運賴

聖主福佑川祇效順績奏平成志  
之所未及者至前輩治河規畧

并近年來興脩水利條件俱載  
志中其用心可謂勤矣爰書之以  
為序時

乾隆十九年歲在甲戌春三月  
穀旦撫豫使者陽湖蔣炳撰



序

予奉

命督學中州頃校士歸德訪閎伯墟求蠡臺故蹟神  
遊千古其地自白馬賓王以後弗父考父禮讓  
風遺至今文雅臺邊儒林藝苑磊落相望又其  
水輕勁而清南湖環城之隅明流見底晨鳧夕  
鴈汎濫其上黛甲素鱗潛躍其下川原靈秀毓  
鍾一時賢士大夫咸能討論今古所爲文澡雪  
性靈風氣適上甲於大河南北宜世稱中州文

歸德府志

序

獻者於斯爲最太守陳聖巖先生嘗出其所纂  
郡志問序予謂莫難於志地理亦莫要於志地  
理蓋州縣更名沿革代異分合靡常如郡爲禹  
貢豫州域其後襄邑屬碭蒙虞屬梁穀陽大邱  
屬沛東漢時轄於兗州部矣南北朝則分統徐  
州南豫州矣是不得專言豫州也郡舊爲微子  
封邑隋改宋州然考諸經傳今之鹿邑卽晉鳴  
鹿今之夏邑卽陳株林虞城以虞國名考城以  
戴國著又不得概指爲宋州也志家承訛襲舛

往往不加詳考臆說附會何以信今而傳後斯  
志體例仿班氏漢書及鄭漁仲通志畧首繪圖  
經次列表四一方輿沿革一古封建一職官一  
選舉爲畧一十有二日地理日建置日水利日  
賦稅日名宦日鄉賢日列女日典禮日藝文日  
武脩日古蹟日災祥而終以識小大綱具存節  
目細密博采經史子集旁搜金石文字一一攬  
撫而著其所自出刪繁就簡訂誤存疑其用心  
可謂勤矣在昔朱子守南康甫到官卽問郡志  
歸德府志

序

二

論者稱其識爲政體要先生仕豫三十餘年屢  
膺

聖主超擢循良治狀所至輒著賢聲初宰安陽繼守  
彰德皆亟修志乘以垂世今復優游治譜成一  
郡完書誰謂一行作吏便廢此事哉是誠不畏  
其難而能知其要者後之君子過睢陽故城尋  
軼事庶不至有宋不足徵之感已

乾隆甲戌閏四月既望

提督河南學政通政使司通政使錢塘孫灝撰

歸德古宋野也其地平衍其土瘠弱其水輕勁而清  
通塞不時其俗淳良君子敦信義而重廉耻小人奸  
稼穡以致蓄藏其在于古則自白馬賓王以後弗父  
能讓正考勒銘先聖禮讓之留貽也其在于今則搢  
紳碩學濟濟盈朝縫掖巨儒往逞傑出強學待問之  
士未衰也守斯土者隨其所便而處之因其所欲而  
與之從其所好而勸之庶幾協氣嘉生治臻隆古乎  
錫輅自庚午冬由河尹移守甫到官卽詢舊志欲以

察風土審要害識人情焉顧郡自明嘉靖中改州爲  
歸德府志

序

一

府郡人李嵩創爲志越百年而前守宋國榮重修距  
今又九十餘年矣其間風物之變遷人事之得失典  
章損益之大建置興廢之由凡可脩掌故而資考鏡  
者世遠言湮文殘獻謝幾令人有宋不足徵之感嗚  
呼是誰之責歟

錫輅

因循行州縣按厥井疆以周知

其利害又時與其鄉之賢士大夫遊購遺書訪逸事  
歲月浸久網羅漸廣爰請于中丞蔣公爲之編次顧  
考舊志摭述荒畧不無遺憾焉蓋區疆域于以辨星  
野非可別列天文爲一門也稽典籍於以著藝文非

可泛采詩文以誇多也若乃志賦稅則起運與存留不分驛站與塩引不著志祠祀則文廟之祭器樂器失載群祀之爲壇爲廟未詳志官師則漢之馮魴訛爲馬魴宋之韓億訛引韓琦召信臣爲穀陽長訛以爲谷陽王渙遷洛陽令訛以爲考城志人物則舉孔子與老莊並列傳而孔子之先如弗父何至孔父嘉家于宋者反畧而不書凡此之類難免貽譏至於水利係民生至重武備亦盛世勿忘而舊志俱無著述此錫輅所以旁搜遠攷惟恐因訛襲陋散軼失墜無

歸德府志

序

二

以屬來哲也凡叙事則本之經史而叅以諸子百家以及郡縣之案牘凡論事則上取名公卿之奏疏次及文人學士之記序傳讚銘頌詩歌其前志事迹之所未脩則增益之其前志門類之所未明則離析之其或紀錄可疑往論失當則藉已意以附之繪圖一十有九所以求易也次列表四曰方輿沿革曰古封建曰職官曰選舉表者識也明也爲畧一十有二首地理次建置次水利次賦稅次名宦次人物次祀典次藝文次武脩次古蹟次災祥而終以識小謂之畧

者言取其大畧不敢自居詳盡也後之覽者庶幾風  
土于以察要害于以審而人情于以識已倘更加以  
校讎廣其聞見則作者重有望焉乾隆十八年歲次  
昭陽作噩之修竊月歸德府知府陳錫輅序

舊序

歸德明初爲州嘉靖二十四年改爲府又二十年而李公嵩爲志迄今百年矣

今上御極之十五年

大中丞賈公念中原爲河圖洛書文章之府檄下纂修當事者以兵火之餘文獻彫謝舊志多滅沒不可讀遂遷延未就十七年季夏余以謫陋來蒞于茲思文獻爲一郡政治之先務諸端未遑急哀集之廣徵旁稽詳覈實錄竭日夜之力以襄厥事越季秋而志成按舊志約者八地理紀山川城郭今昔之蹟土風

歸德府志

舊序

一

之畧而刊迂陋學校列政教所出而黜異端田賦以正疆界明欺隱祠祀匪在制典關民義者罔攸錄官師善者著之而在事者雖善未敢論贊人物以論世而符輿情選舉以彙征而成邦獻雜誌以存遺而資考稽此八者得史之大體矣昔李公以文學名于海內與西蜀楊公慎太倉王公世貞爲石交故所志得史之大體余一遵前規首補以天文志重履端也後補以藝文志崇立言也爲目凡十而又續以百年以後之事焉余增以約者二曰人物以蓋棺而置生存

詩曰靡不有初鮮克有終藝文以華采而去鄙俚左  
氏曰言之無文行之不遠至於地以濱河而汚下古  
言南東其畝濟陰在北汴杞在西雖皆濱河河縮則  
可作又此地河縮而餘波之豬仍數載焉甫作又而  
河又溢矣地之不如七郡一也田以荒蕪而減值民  
貧土曠畝錢值不踰數百較覃懷鄴下畝可數金且  
二十金者相什伯焉田之不如七郡二也民以饑饉  
而流散無復成帷成雨之象焉民之不如七郡三也  
俗素古樸近譁張健訟百無一實奸宄難御俗之不  
歸德府志  
舊序  
二  
如七郡四也余承四弊之餘奉命茲土怵惕焦思中  
夜以興夫移風易俗使民回心而嚮道者非異人責  
也敢不黽勉是圖哉順治庚子季秋之吉知歸德府  
事宋國榮君用甫識

重刻歸德府志緣起

光緒己丑嘉平 慶以比部郎

簡守是邦逾年七月到官下車伊始亟以採風問俗爲務而郡志自咸豐兵燹版燬於火適值

詔修會典檄徵方志吾宋竟無以應殊深慙悚徧訪郡人久之始得舊志一部乃乾隆甲戌所彙迄今越百餘年續修誠不可緩顧采訪一時未能藏事矧九屬之志僅存其四率亦乾嘉年間舊本與其舍舊謀新蒐輯須遲諸異日何如修廢

重刻歸德府志緣起

一

舉墜成編先復乎舊觀爰偕僚友重加詳校凡乾隆以後應避之字與夫原版譌誤處悉爲釐正先付手民若夫踵事增修 慶雖不文敢辭其責擬俟續輯成書卽分附各門之後不事更張而正續釐然咸備或亦事半功倍之意也夫刻卽成因紀其緣起如此豈

光緒十又九年歲在癸巳夏四月知郡事葉赫餘慶珊汀甫識

歸德府志凡例

鄭樵謂圖譜興于河圖天地自然之象故圖列与  
端首歸德府境總圖次歸德府城池圖商邱附郭  
然縣境宜分繪圖一其他七縣一州各境圖一城  
池圖一凡爲圖一十有九

志爲史家一體世自班固漢書逮宋鄭樵爲書曰  
通志而條其綱目名之曰略又改司馬氏表爲譜  
茲与列表例取馬班分略則倣鄭氏

紀年有表自史遷始第太史公三代世表旁行邪

歸德府志

凡例

上今列九屬世次循環繫別頭緒太紛因略倣荀  
悅漢紀編年直敘參以馬端臨帝系封建二考之  
例年經月緯表方輿則按地分詮明沿革也表封  
建則按代條晰紀廢興也表職官則分古今以昭  
爵秩表選舉則列諸科以重人材也

略始于漢劉歆至鄭氏志用之未有用紀地志者  
是志畧分一十有二曰地理曰建置曰水利曰賦  
稅曰職官曰人物曰祀典曰藝文曰武備曰古蹟  
曰災祥而以識小終焉每著一略復析門類節目

之間庶爲明備

舊府志及夏邑甯陵考城諸志俱首列天文殊乖體要是編言地理于以辨星野區疆域論形勝以及山川村巷覩風俗焉經界旣分而凡城池官署學校坊表倉庫驛舍皆不可不書因次及建置水利緊重民生志家恒忽而不書宋國榮府志列河渠于古蹟劉德昌商邱縣志舉河渠溝洫津梁悉附于山川未免編次不倫宋歐陽氏作唐書地理志凡一渠之開一堰之立無不記入良以佐耕佐守民利攸賴爰專志之

歸德府志

凡例

二

國有賦稅曰地丁曰耗羨其由州縣而解司庫者曰徵解其存于州縣以備需用者曰存留以定引直則爲鹽課以供上命則爲雜汎其附土貢也按禹貢九州田賦之後例及土物惟他土多產者不汎書

舊志名宦混入官師何以著賢績故旣表職官別立名宦略

飾州邦而敘人物若明一統志誇多泛濫識者譏

之今按郡邑諸志類皆繁蕪寡要商邱志尤少剪裁昔南軒論修誌載人物典刑繫焉世教關焉非徒點綴郡邑而已舊志以孔子自言殷人作孔子傳與老莊並列殊非尊聖意茲不敢述首鄉賢次寓賢而終以列女傳本史乘兼采百家文或冗長間加刪節甯簡毋濫

宋守志載祠祀凡文廟祭器樂器俱不詳載于武廟諸祠壇祀未攷典制源流茲竝書之復采前人碑記詩歌有關典要者悉附錄焉曰祀典略

歸德府志

凡例

三

藝文有志班氏倣劉歆七略爲之所志率六藝百家近日郡縣志乘多汎涉詩古文辭殊失古體斯編紀述詩文分繫于地理建置水利祀典古蹟諸略復專志藝文者先學宮藏書次名家著述次金石文字終以郡縣志乘

志家未有志武備者宋郡自春秋以降屢經兵燹垂著史策凡攻守要害不可不知語云有文事者必有武備因矧爲武備略先敘歷代兵燹次攷衛兵舊制次書現設營汛此先正所云體例本平時